

宋

會

要

宋會要

天策上將軍府

真宗大中祥符八年二月皇兄元佐授天策上將軍注  
唐初止為天策上將軍後唐命馬商為天策上將軍並  
開府時以元佐久疾特加褒甄仍結爵在功臣上不間  
府  
仁宗慶曆四年正月皇叔荆王元儼贈天策上將軍

元帥府

高宗建炎元年五月二日詔大元帥府限十日結局一行將佐吏卒自河北京東扈衛有勞者第其優劣奏上

當與推恩先是靖康元年上奉使至相州京師遣膽勇  
士數輩間道齎蠟詔投兵馬大元帥使宜行事乃開幕  
府於相州十日詔大元帥府結局幕府官屬五軍將佐  
應扈衛過河至應天府軍兵並與等第推恩

宋會要 元帥

大祖建隆元年二月制天下兵馬都元帥吳越國王錢俶加天下兵馬大元帥

宋會要

全唐文

宋會要開封戶

開封府尹牧收不置唯仗內奉引則遣官攝事戶以親  
王為之仍兼功德使府廨在宣德門南街東太宗為晉  
王尹京及秦王許王為尹皆在南街視事時真宗尹京  
還就府廨今景靈宮即南衙舊址 太祖建隆二年七  
月以皇弟秦寧軍節度使殿前都虞候光義檢校大尉  
同中書門下平章事開封尹兼功德使太宗太平興國  
元年以皇弟永興軍節度使檢校太尉兼侍中京兆尹  
廷美兼中書令行開封府尹封齊王 雍熙三年七月  
內以皇子檢校大尉同中書門下平章事陳王元德兼

侍中行開封府尹改名元祐 淳化五年九月內以皇子襄王宗實行開封府尹改封壽王 十月壽王出閣尹京詔以鎮安軍節度行軍司馬楊徽之為左諫議大夫右諫議大夫畢士安並為開封府判官兵部郎中喬維岳奇王府記室參軍水部郎中楊礪咨議司封負外郎直昭文館夏侯僑並為推官皆太宗自選中謝日召陞殿賜坐諭以輔導之旨乃賜徽之士安白金各千兩維岳等各五百兩 徽宗宣和七年十二月二十二日以皇太子除開封府收時上有內禪之意用本朝故實也尹闕則置權知府事以少卿以上充兼功德事及畿內勸農使真宗咸平五年五月詔開封府左右軍巡使

京官知司錄及諸曹參軍知畿縣見知開封府並趨庭  
設拜 景德元年七月詔開封府知府等不得於府廨  
內接見賓客從權知府陳省華之請也 十月宴崇德  
殿舊制卿監坐於東廂不升殿時光祿卿陳省華權知  
府特命升於西省五品之南別設位三年八月詔開封  
府今後內降及中書樞密院送下公事罪至徒以上者  
並須聞奏 先是御史臺言開封府前勘天清寺僧契  
如反故在承呂餘慶孫男歸政止節略劄子聞奏致不  
絕詞訟乞自今應干分割田地及僧人還俗事並令結  
案錄問方得聞奏真宗曰豈止僧歸俗與私家分財邪  
固有是詔 大中祥符二年八月詔開封府凡出榜示



衆並當其事聽刺旨 初本府榜皆立絕牙保引致民  
家卑幼舉借回鶻資財者帝曰國家惠綏遠人天下無  
外京師萬方所湊豈可指言回鶻邪故有是詔 七年  
九月權知開封府王曉洎判官等坐斷獄失誤罰金  
初法寺准詔長吏為部民所訟罰訖代之帝以京府事  
繁與外郡異立命增贖銅十斤而復其任 仁宗景祐  
元年六月十六詔開封府今後有傳宣指揮依條次日  
上殿面奏取旨 先是有旨本府後行扈玉轉守闕前  
行乃起百餘人判官罷籍以為言故有是詔 至和元  
年九月詔開封府自今凡決大辟曰並覆奏之 初開  
封府言得樞密院劄子軍人犯大辟無可疑者更不以

聞其百姓即未有明條仁宗重人命至是軍人亦令覆  
奏熙寧八年五月三司言權發遣開封府事自來依  
權知開封府添支則例支給乞編入祿令施行從之

宋會要臨安尹

孝宗乾道元年四月二十七日詔皇太子光宗御名領  
臨安府尹二十九日禮部國史院太常寺言皇太子領  
臨安府尹討論典故下項一治所若就臨安府即相去  
太遠今欲止就東宮少尹等官屬兩日一次將職官赴  
東宮取索一見今臨安通判及簽判職官並各廢罷却  
置少尹一員判官二員推官三員少尹欲依做淳化判  
官例差行從官以上判官欲做天聖今並同郎官以上

餘曹掾官緣臨安府係是行都難以全用京府體例並  
欲依舊一禮上曰臨安府官庭參仍拜冬年節及到罷  
等准此本府宣詔慮因等少尹以下一面施行訖具事  
因中稟一本府日生公事並係少尹受領內命官犯罪  
及餘人流以上罪具事因聽裁酌其徒罪具案判准杖  
罪少尹一面裁決一皇太子鑄臨安府印一面少尹就  
用見今臨安府印判官合鑄印一面安撫司印記職事  
亦合少尹兼領諸門場務等鑠匙並令少尹掌管一浙  
西安撫司及臨安府歲舉所部官緣有結罪保任一節  
只乞令少尹奏舉一安撫司及臨安府表奏皇太子係  
街中書樞密院狀及應于文移並依典故係少尹以下

奏書並各從之五月十二日詔晁公武除臨安府少尹  
李彥穎劉焜魚臨安府判官陸之望馬希言錢佃並除  
臨安府推官十五日詔皇太子用十八日就臨安府禮  
上遇出入或有馬前投狀自合收接十七日臨安府言  
皇太子領臨安府尹依已降指揮施行外續條具事件  
一傳旨內降文字並合先齋詣皇太子宮啓封取令旨  
付下少尹等施行一訓諭風俗觀課農桑及應寬恤事  
件並合稟自皇太子坐奉令旨出榜施行其餘應干事  
務供應排辦收糧軍糧打造軍器剗填軍兵大者專委  
少尹同兩判官兩日一次赴東宮取稟一通判簽判職  
官職事各以次分管並稟少尹施行一本府應干非泛

事務並送兩浙轉運司掌管施行一本府公吏隨逐少  
尹官屬抱公案赴東宮呈稟經由禁中合給人出皇城  
門號一本府文移朝省臺部係少尹以下紫衝具申寺  
監本路監司少尹以下移牒並從之同日兩浙轉運副  
使沈夏言皇太子領臨安尹闕已擇日開府浙西諸司  
見趣赴天申節上壽候開府日庭賀詔開府日許就臨  
安府庭賀九年四月二十七日皇太子再具奏乞免尹  
臨安詔宜先詔曰朕惟精於道者必無於物足乎已者  
宜反於人故即其臨寧酬酢之間于以見平日修習之  
效卿志立者大識造惟深願所養而可知乃請辭而甚  
力茲亮由衷之懇爰申從欲之恩朕以其已試可觀更

使施於有政脚則欲通經學古將一意於斯文其思裕  
於乃身尚益尊其所學五月五日詔皇太子辭免臨安  
尹已降詔允所請其臨安府知通簽判推判官並復置

宋續會要

左右廂公事所

神宗熙寧三年五月詔以京朝官曾歷通判知縣者四人分治京城四廂其先差使臣並罷之凡民有關訟事輕者得以決遣從權知開封府韓維之請也九月權知開封府韓維言逐廂舊置勾當使臣四員今並減罷其開陶渠塹委都水監救應人戶火燭委巡檢司自餘事件即令勾當四廂京朝官依使臣例管勾勘會四廂公事惟檢覆抄劄打量界至檢定賊縱由往福田院

支貧子錢最是奔走不完若令所置京朝官逐時躬親  
點檢事頭區斷公事竊慮有所妨闕乞逐廂依舊存留  
使臣分管前項奔走之役詔許留使臣兩員分左右廂  
管勾 十一月十九日看詳編修條例所言開封四廂  
各置官一員勾當斷決公事內杖六十以上罪及杖蔓  
公事不許收接文狀依舊外取到逐廂一月之內決斷  
事件不多欲止令京朝官兩員分領兩廂決斷所是舊  
來四廂使臣仍舊存留以備諸般差使從之 十二月  
八日詔京城裏外雪寒應老疾孤幼無依乞丐者令開  
封府並分學於四福田院住泊於額外收養仍令推判  
四廂使臣依舊福田院條約看驗每日依額內人給錢



養活無令失所其錢於左藏庫見管福田院錢內支給  
候春收即申中書住支 四年七月知開封府劉庠乞  
罷勾當左右廂公事官詔不許 哲宗元祐元年詔府  
界捕盜官吏隸本府與都大提舉司同管轄而賞其賞  
刑置新城內左右二廂 六月二十七日權知開封府  
謝景溫言京師新舊城內惟有二廂遇夜公事解送遠  
遠請於新城內外左右置二廂通為四廂添舉文臣二  
員量增人吏從之 四年詔罷新置二廂 紹聖元年  
四月十七日知開封府錢勰言熙寧三年初置舊城裏  
左右廂公事所元祐元年增置新城裏兩廂公事元祐  
四年廢罷增置兩廂今請復置從之 靖康元年五月

十八日詔左右廂公事所廂官並替成資闕

宋會要

州制

國朝州鎮有缺或違朝官權知太祖始削外權收伯之  
缺止令文臣權蒞其後文武官參為知州軍寧二品以  
以上及帶中書樞密院凡開封河南應天大名真定  
京兆鳳翔河中江寧江陵興元十一府其充青徐揚荆  
豫梁雍九州皆置牧天子巡狩於其境行禮則州牧備  
奉引真宗大中祥符八年二月制皇兄楚王元佐特  
持授天策上將軍依前守太師尚書令兼中書令行具  
元收賜劍履上殿詔不名州牧自此始天禧元年元  
佐領雍州牧二年加吳元收真宗謂宰臣曰楚王加恩  
興化府必遣人來重於煩擾宜速止之不煩上京兼州

府兩牧自此始也 景祐二年十一月制雍州牧兼鳳翔牧荆王元儼為荆南淮南節度使行荊州揚州牧二州牧自此始也

宋會要

州牧

徽宗宣和七年十二月二十二日重太子除開封府牧崇寧二年五月十一日戶部尚書左膚等言崇寧詔旨開封府置牧皇子頌之請制祿令詔如執政官立為定制 宣和七年十二月二十二日皇太子除開封府牧時上有內禪之意用本朝故實也淳熙四年五月五日詔皇子魏王愷特授荆南集慶軍節度使依前開府儀同三司行江陵尹判明州兼管內勅農使兼沿海制

置使 五年閏六月十三日詔皇子荆南集慶軍節度使開府儀同三司行江陵尹判明州軍州事兼管內勸農使兼沿海制置使魏王愐特授永興成德軍節度使雍州牧依前開府儀同三司判明州兼沿海制置使魏王八月二日詔雍州牧劾印以雍州牧印為文親王帶

牧隨本鎮

十月四日禮部太常寺言親王出鎮加牧合

行禮例今參酌比附魏王昨判寧國府見客禮例條具下項 一接見寄居及過往前宰執使相兩府大尉侯親王出廳降揖序坐茶湯畢就廳上轎一接見見任寄居文臣侍從官以上武臣正任觀察使以上及見任三衙管軍知關侯親王出廳贊請其官俟到任贊揖訖就

坐點茶畢出笏取履託贊就坐點湯畢出笏揖就廳上  
轎內文臣曾任侍從以上武臣曾任三衛以上同一見  
長文司馬并見任本廳監司及寄居過往監司諸州知  
州候親王出廳繫鞋、贊請某官候到位置贊揖就坐點茶  
畢贊撥轉椅子出笏取履託不點湯指巡廊退一見任  
寄居過往參議官并諸路知軍王府託室參軍等欲並  
依昨來判寧國府之例從之

全唐文

宋會要

行府

太祖建隆元年九月以侍衛親軍副都指揮使歸德軍節度使石守信為揚州行營前軍都總管兼知揚州行府事開寶二年三月二十四日以知制誥盧多遜權知太原行府事二十五日以右贊善大夫張洙充行府推官四月命殿中侍御史崔愚通判太原行府事八年六月以太子洗馬馬處璘權知潤州行府事太宗太平興國四年正月十二日以宣徽南院使潘美充北路都招討兼制置太原行府軍糧等事十三日以益城判官吳興通判太原行府事戶部判官杜載為太原行府判官

六月以宣徽南院使潘美知幽州行府事度支判官吳  
煥戶部判官杜載並為行府判官雍熙三年正月以右  
諫議大夫劉保勳知幽州行府事



宋會要節度使

乾德元年二月天雄節度使符彥卿來朝上欲使彥卿  
典兵樞密使趙普以為彥卿名位已盛不可復委以兵  
柄屢諫不聽宣已出普復懷之請見上迎謂曰豈非符  
彥卿事邪對曰非也因別以事奏既罷乃出彥卿宣進  
之上曰果然宣何得在卿所普曰臣託以處分之語有  
未備者復留之惟陛下深思利害勿復悔上曰卿若疑  
彥卿何也朕待彥卿至厚彥卿豈能負朕邪普曰陛下  
何以負周世宗上默然事遂中止 開寶二年九月上  
燕蕃臣於後苑酒酣從容謂之曰卿等皆國家宿舊久  
臨劇鎮王事鞅掌非朕所以優賢之意前鳳翔節度使

兼中書令王彥超論上旨即前奏曰臣本無勲勞久冒  
榮寵令已衰朽乞骸骨歸丘園臣之願也前安遠節度  
使兼中書令武德行前護國節度使郭從義前定國節  
度使白重贊保大節度使楊廷璋競自陳攻戰伐閔及  
履歷艱難上曰此異代事何足論庚子以行德為太子  
太傅從義為左金吾衛上將軍重贊為左千牛衛上將  
軍廷璋為右千牛衛上將軍 太宗太平興國二年八  
月上初即位以少府監高保寅知懷州懷州故隸河陽  
時趙普為節度使保寅素與普有隙事多為普所抑保  
寅心不能平手疏乞罷節鎮領支郡之制乃詔懷州直  
隸京長吏得自奏事於是號州刺史許昌喬訴保平軍

節度使杜審進闕失事詔右拾遺李瀚往察之瀚因言  
節鎮領支郡多俾親吏掌其關市頗不便於商賈滯天  
下之貨望不令有所統攝以分方面之權尊獎王室亦  
強幹弱枝之術也始唐及五代節鎮皆有支郡太祖平  
湖南始令潭朗等州直屬京師長吏得自奏事其後大  
縣屯兵亦有直屬京師者興元之三泉是也戊辰上納  
翰言詔幽寧涇原廊坊延丹陝虢襄均房復鄧唐澶濮  
宋毫郛濟滄德曹單青淄兗沂具冀滑衛鎮深趙定祁  
等州並直屬京天下節鎮無復領支郡者矣興國三年  
復鎮蓋遙領也按此時已盡罷節鎮所領支郡矣而實  
錄興國七年五月辛亥又書詔以涇州直屬京不知何

也今削去不著然更須考之

景德二年二月三日節度使石保吉葛霸受命上言乞罷拜授給誥之儀以帝母后心喪之故也從之拜授當出乾元門用鼓吹戲馬優樂前導歸地蓋國朝舊規寵藩帥也

六年十一月九日制以觀文殿大學士右光祿大夫知河南府韓縝為安武軍節度冀州管内觀察處置等使河東路經畧安撫使兼知太原軍府事

崇寧四年趙州為慶源府仍以為慶源軍節度使 燕王侯大觀元年正月改授淮南安武軍節度使 二年瀛州為瀛海軍節度樂州賜名嚮德軍節度三年融州

為清遠軍節度 政和元年正月十一日制以定州管  
內觀察使樞密都承旨郭天信為安武軍節度使佑神  
觀使是年瓊州為靖海軍節度 二年九月二十九日  
詔節度使以下更不帶持節等只稱某軍節度使之類  
四年五月二十日制靜難軍節度觀察留後直睿思  
殿楊戩為彰化軍節度使依前直睿思殿是年拱州復  
為州仍舊為保慶軍節度 五年汝州為陸海軍節度  
濟州為濟川軍節度 十一月十一日御筆昨曾降詔  
以非緣制礼作樂開拓一路內侍臣僚不持節鉞以  
藍從熙領冬祀壇壝齋宮事已降旨與節度使亦緣礼  
祀深慮今後以他事援以為例可令三省樞密院遵守

前詔仍許執奏 七年渭州為平涼軍節度鼎州為常  
德軍節度重和元年瀘州為瀘州軍節度十一月二十  
六日端州為肇慶軍節度

宣和元年寧州為興寧軍節度均州為武寧軍節度宣  
州為慶遠軍節度光州為光山軍節度睦州為建德軍  
節度岳州為岳陽軍節度 皇子模宣和二年正月以  
檢校太保為淮南節度使封樂安郡王 政和四年十  
月涿州賜名涿水郡為威行軍節度檀州賜名橫山郡  
為鎮遠軍節度平州賜名海陽郡為撫寧軍節度

高宗建炎元年七月二十九日撫州改為保成軍節度  
范致虛建炎二年言者論南陽之陷咎由致虛責安

遠軍節度副使英州安置

紹興中制以龍神衛四廂都指揮使密州觀察使權主管殿前司公事楊沂中特授保成軍節度使陞充殿前都虞侯主管殿前司公事 九年四月七日宿州復為保靜軍節度 十四年六月十七日德慶府為永慶軍節度 七月十二日蜀州為崇慶軍節度 十六年正月十八日制以觀文殿學士左通議大夫提舉臨安府洞霄宮葉夢得特授崇慶軍節度使致仕 十七年七月二十日舒州改為安慶軍節度 八月二十八日制以賓德軍節度使提舉萬壽觀邢孝楊特授太尉安慶軍節度使依前提舉萬壽觀 二十五年六月二十七

日岳陽軍改華容軍節度 二十六年二月十一日制

以保康軍承宣使提舉佑神觀韓公裔特授華容軍節

度使依前提舉佑神觀 二十八年五月十二日光山

軍改為寧淮軍節度 三十一年十二月三日華容軍

復為岳陽軍節度寧淮軍復為光山軍節度

孝宗紹興三十二年未改元 十月二十三日建州陞為

建寧府建寧軍節度 隆興元年十月二十五日洪州

陞為隆興府鎮南軍節度 二年十月劍州陞為善安

軍節度 淮南河南江東乾道元年三月六日置節度

使 九月二日鼎州陞為常德府常德軍節度 乾道

六年九月二十七日制觀文殿大學士左通奉大夫知



紹興府史浩為檢校少傅保寧軍節度使依前差遣  
八年八月二十六日宣州陞為寧國府寧國軍節度  
九月十二日制特進左丞相兼樞密使虞允文為少保  
武安軍節度使充四川宣撫使

宋會要 節度使禮錄

乾德五年正月朔乾元殿受賀升節度使班在龍墀內  
金吾將軍上故事節度使不帶使相位在卿監下至是  
特命升之 王全斌乾德三年節度太平興國四年代  
五年為崇義軍節度使攻蜀有功故也 錢弘偁中書  
令靜海軍節度使開寶元年有錢令公墓在紫芝峯見  
崇明錐刀道者碑

宋會要 承宣使

宣和三年正月七日詔兩浙制置使直審思殿知入內

內侍省事任落階官為安德軍承宣使劉延慶拜秦寧  
軍承宣使自延慶始尋有延慶始上有脫文

宋會要觀察使

真宗大中祥符七年三月翰林學士陳彭年言檢討唐以來故事觀察使並合帶刺史詔自今除觀察使可兼領之

宋會要 荆史

荆禁復濟沂登萊汝穎均鄆懷衛博洛深瀛雄霸吳代  
絳解隴和斬眉象鵠頤齊鄭蔡舒復並隸此國縵州平  
濮湖唐祁暹忻成鳳海岱果楚潒磁舒岷蓓頤與慈陵  
並隸此邦史州號坊丹堦商寧原度渭環德瀉恩趙保  
淄汾澤憲嵐石豐河沅秦泗光滁通黃真歆江池鏡信  
太平吉袁撫筠岳澄峽歸辰衛道永全柳邵常秀温台  
衛睦虔南劍汀漳綿漢彭邛蜀嘉簡恭推威茂資榮昌  
普渠合戎瀝興劍丈巴蓬龍施忠萬開達沿渝韶循潮  
連南雄英嶽封端新康南恩忠昭梧藤龔潯貴柳宜賓  
橫融化高雷白欽鬱林廉瓊崖徭頤楚潒乾佑沁慈遠

集壁梅春蒙竇南儀僭萬安並隸此 太祖建隆元年  
四月詔升懷州為團練即以刺史馬令琮充使初李筠  
叛太祖將親征詔三司張美調兵食美言河內密通上  
黨令琮日夜儲蓄以待王師帝善之亟命以團練使授  
令琮執政言大軍北伐方藉令琮供億不可移之他鄉  
故就升本州為團練以命之仁宗嘉祐三年十一月詔  
除自軍職罷并橫行職任歲滿合該除正任外非有戰  
功及殊常績劾更不除授如有合該擢用即不得乞預  
降指揮其已係正任者不得循例敘遷如積勞歲久非  
次推恩則與遷改州名或加檢校官及勲封食邑英宗  
治平二年五月三日詔自今正任刺史以上因差知蕃

要州郡或路分總管任使即與勘會如改官定十年曾  
經兩次因差遣遷改州名或加檢校官及勲封食邑者  
取旨並與遷轉至觀察留後止其戰功及殊常績効因  
之超擢者勿拘神宗元豐七年七月十五日以前左藏庫  
副使帶御器械劉承緒為禮賓使嘉州刺史手詔以承  
緒妻建安郡主即先帝同母妹建安郡主夫故擢之



宋會要

都督方

高宗紹興二年四月二十七日制以特進尚書左僕射  
同中書門下平章事兼知樞密院事呂頤浩時授依前  
特進尚書左僕射同中書門下平章事兼知樞密院事  
都督江淮兩浙荆湖諸軍事參謀官差戶部尚書李彌  
大秘書少監傅崧卿參議官差直顯謨閣李承造左宣  
教郎劉寧止隨軍轉運使差左司郎中姚舜明崧卿除  
徽猷閣待制舜明寧止除祕閣修撰承造除直龍圖閣  
閏四月二日呂頤浩言前路應有合行措置事務不可  
少失期會臣見帶左僕射職事伏望許臣從便先作聖  
旨行訖續具奏知從之頤浩條畫下項一以江淮荆湖

都督府為名一印記乞以江淮荆湖兩湖路都督諸軍事印一十三字為文一用兵臨敵及遣人間探之類全在激勸使之效命欲先次支銀絹各二萬疋兩內絹仍通造旗幟使用一逐路財賦許酌度多寡隨事移那不以有無拘礙裁撥應副一逐路見任官如實有疾病怯懦或公私罪犯不堪任職或見闕言五處並許施行仍選官差填替訖奏具所差官自供職日理為任如有舉官聽收使一逐路官不以拘礙並聽差出幹辦一淮南東西路兵火之後人煙稀少務在優恤如有條所不載於民寔便者並乞從先次隨宜施行訖具奏一今來出師係都督諸路軍馬其逐路見今應統兵大小將帥並

許聽節制若有行移並用劄子一兵將官屬錢糧乞差  
隨軍轉運一員應辦其合行事件令所差官限一日條  
具申尚書省一差參謀等官欲乞許於內外見任得替  
待闕已未參部人踏逐辟差並不許辭避並與理為資  
任住程磨勘年月帶見任或新舊任請給外別給本身  
驛券無見任新舊任請給人每月別給錢二十貫其當  
直人從般檐兵士並依本資序依條格差破所有參謀  
參議各破手分二人機宜幹辦官過差出破一名於新  
至州縣劄差請給並依書寫人例施行其所辟官限三  
日起發未授朝廷付身以前令帶權字如未踏逐到許  
於內外見任或已授未授差遣人內一面劄差不許避

免請給理任人從等並依見任人法候辟差人到日罷  
已上行在官仍並免朝辭參謀官二員參議官二員主  
管機宜文字二員書寫機宜文字二員幹辦公事官十  
員准備差使文臣十員准備差使大小使臣各二十員  
准備將領使喚欲乞辟差十員一行遣文字全要諸練  
熟知次第人吏欲乞於三省樞密院六曹及內外官司  
內人吏及使臣內踏逐指差各理為資任及通理在職  
年限月日如有前項特旨不許發遣批勘重祿及添給  
礙名色并開落名糧等並依今來指揮事畢發歸元處  
仍帶行被差見請或見任請給并人從願分擘出歷隨  
處批勘者聽兼後項奏請官吏並不許受供饋欲並支

本身驛券白身人破進武副尉仍每月並支錢一合破  
親兵三百人欲將帶前去仍並許分驛券歷發遣內存  
留人請給就行在勘請一合用行遣紙劄印色朱紅及  
發遞物色收盛文字籠仗打角官物等並具數下戶部  
日下支給在外於所在官司關取一乞於內外指差醫  
官一員剋擇官一員隨請給驛券抽差約束等並依手  
分例內醫官仍每月支給藥錢七貫一合用公使錢欲  
每月支給二千貫乞自朝廷先次支降一月錢已後月  
分於所至州軍應管錢內取撥應副一遇有奏報文字  
乞許直發入內侍省投進一隨軍合用糧料等官未  
記乞於三省激賞庫開借五面前去如不足禮部取並

從之四日上諭呂頤浩卿者艾有勞今總都督之任方以大事委卿不當復覲細務昔諸葛孔明罰二十以上皆親之司馬宣王以為必不能久唐太宗諭房杜聞公

聽受詞訟日不暇給安能助朕求賢乎卿自今凡事繁

大體者裁決其餘細務潤畧可也六日詔都督府事體

至重已特許差隨軍轉運使一員他司不得援例

從侍御史

江齊八日呂頤浩言逐路如有潰散軍兵無歸百姓散

走藏匿乞令一面招收使喚逐旋具數申奏仍乞降字

牌旗榜二十副付頤浩招收使用從之五月九日詔都

督府參謀參議官並依兩省官奉使法機宜與轉運使

副提刑序官幹辦官與轉運判官知州朝請大夫序官

內選人在諸州通判之下六月九日殿中侍御史江躋  
言乞詔大臣自今有見任宰相暫出撫帥其有所辟僚  
屬除官進職許依呂頤浩體例施行以示恩數餘人不  
得輒有援例詔令三省遵守七月二十四日徽猷閣待  
制江淮荆湖都督府參謀官權主管本府事傅崧卿言  
奉詔呂頤浩赴行在奏事職事令崧卿權行主管頤浩  
見任宰相領都督之職元降指揮於今來事體有窒礙  
合行中稟一行移文字除三省樞密院自合依舊用狀  
六曹用獨銜中狀除兵將官及屬部官司仍劄子外餘  
並用公牒其牒以權主管府事為名一逐路應統兵大  
小將帥並許聽節制一欲乞內江東安撫大使司一路

事務崧卿自可與李光會議商量與決餘兩大使司并  
餘路分並乞且從逐路大帥依已得便宜指揮一面施  
行其都督府元留下諸頭項人等已有降下聽崧卿節  
制明文一元降指揮許從便宜施行訖具奏今來權行  
主管府事即難以行用乞從中奏或申都督乞詳酌施  
行其元留下人馬權令傅崧卿節制餘並從之九月二  
十八日呂頤浩等言都督府申請到畫一指揮見遵依  
施行外今來同都督諸軍事官一員見欲總兵起發前  
去建康府措置緣畫一指揮內上許辟差參議官二員  
幹辦官十五員准備差遣文臣十員今來防秋是時全  
藉官屬分頭協力委是數少除同都督官許差本宗有



服親書寫機宜文字官一員幹辦官五員准備差遣文  
臣十員其辟差請給理任等並依已得指揮從之三十  
日參知政事福建江西荆湖南北路宣撫使孟庾言准  
勅差兼權同都督江淮荆湖諸軍事見計置起發方此  
防秋之除內有干機速待報不及事件欲乞許依呂頤  
浩已得便宜指揮從之十二月二十八日詔孟庾依前  
參知政事除同都督江淮荆湖諸軍事三年正月八日  
孟庾言都督府係總江淮荆湖諸路軍馬元降指揮應  
大小統兵帥並聽節制近來諸處官司遇有軍期并應  
副本府錢糧等事並仰先申都督府如合申奏即本府  
自當施行若敢依前侵紊慢易臣一面酌情處斷從之同

日詔差戶部侍郎姚舜明前去建康府將應干都督府承朝廷支降并諸官司起發到及本府應干取撥錢物糧斛並仰姚舜明專一總領仍於都督府選差有風力諳曉錢穀屬官四員充糧料審計司監官其應干都督府管下官兵幫勘請給等並經由戶部糧審院依條批勘支給其江東路轉運司合應副都督府錢糧事務並就近聽戶部措置施行時以都督府請依舊例差戶部長貳一二員前來專一總領大軍錢糧故有是詔二月七日呂頤浩言依元降畫一指揮許辟差參謀官二員主管機宜文字二員書寫文字一員幹辦公事官一十五員准備差使大小使臣各二十員准備將領一十員

人吏二十四人今來孟庾所辟官吏已到可以分擘使  
喚臣所辟官吏深慮虛費錢糧合令先次減罷從之四  
月七日三省言已降指揮劉光世建康府置司韓世忠  
泗州置司所有都督府合移於鎮江府照應兩軍機務  
詔都督府移司鎮江府九月十二日詔都督府已罷見  
存屬官人吏並係隸樞密院內人吏就機速房相兼承  
受發都督府文字十五日詔都督府參議官朱孝先馬  
擴主管機宜文字許大年范同幹辦公事張翥朱明劉  
老許操韓臨亨趙公達馬直之准備差遣楊然侯文  
仲闕彥昭李季蘇之勤王元翼時洌孫大雅並存留參  
議官宗頴主管機宜文字李蕘幹辦公事蕭掄馬永卿

任直清李文中程延年韓隆胄姚耆宗准備差道高需  
董華姚宏李益謙杜綱孫憲並罷四年八月十一日詔  
川陝宣撫處置使趙鼎為都督川陝荆襄諸軍事孟庚  
等言趙鼎除川陝宣撫處置使恐與王似盧法原吳玠  
使名相似乞自睿旨別易一使名上顧鼎曰此是朕不  
忍不曾與大臣商議所以然者故續有是詔十五日知  
樞密院事趙鼎言都督府早晚起發一行官吏軍馬等  
合用錢糧草料欲令逐路轉運司預行椿辦從之九月  
八日川陝荆襄都督府言依例合將帶知客等前去係  
於三省樞密院等處差取今欲立定請給知客等七人  
各與帶行見請外破進武副尉券一道每月贍家錢十

十貫隨行東廚專知官等一十一人翰林儀鸞司五人  
已上專知官手分庫子請給等乞依降賜公使庫則例  
廚子院子翰林儀鸞司請給等乞依降賜公使庫秤子  
則例從之十九日又言本府合干官屬等已有指揮並  
理資任通理在職年限月日任程磨勘年月事畢發歸  
元處所在隨軍糧料院降賜公使庫務提轄撥壕寨司  
之類官吏并屬官下人吏等即未有該載今欲乞並依  
已降指揮施行從之二十一日又言本府許置計議官  
四員緣與樞密院計議官名稱一同欲改為詳議官從  
之五年二月十二日制以左通議大夫守尚書右僕射  
同中書門下平章事兼知樞密院事趙鼎特授左正奉

大夫守尚書左僕射同中書門下平章事兼知樞密院  
事都督諸路軍馬左通奉大夫知樞密院事張浚特授  
左宣奉大夫守尚書右僕射同中書門下平章事兼知  
樞密院事都督諸路軍馬十四日詔都督府以諸路軍  
事為名二十一日趙鼎張浚言蒙恩除都督諸路軍馬  
有合奏請事件一印以諸路軍事都督府之印九字為  
文一川陝荆襄都督府事務并官吏兵將官物等合併  
歸本府內印記候鑄到新印日於禮部寄收如遇臣等  
出使却行關取行使一本府行移緣臣等係宰臣兼領  
乞依三省體式其與三省樞密院往來文字依從來體  
例互關一如遇臣等出使其官屬并直省通引官知客

散祇候大理官街司堂厨東厨監厨合干人等量度差撥使回仍舊內合破使臣親兵宣借兵士諸色人等乞許存留照管家屬或將帶隨行一本府應干合行事件並遵依川陝荆襄都督府并臣昨措置江上已得指揮及體例施行事小或待報不及聽一面施行並從之同日張浚言被旨暫往江上措置邊防有合奏請事件昨蒙差到中軍將官一名馬軍使臣一百人騎今來除將官乞就差王存外內使臣并馬令中軍依前次數目揀選差撥仍候起發日每日添支食錢二百文一昨在江上措置日有支使不盡激犒金帛等乞下所屬取撥前去一乞於左藏庫見樁管空名官告內共支撥三百道

准備緩急書填立功將佐等使用一乞於省馬院差驃馬五十頭匹控養兵士各一名管押將校共二人應副一行官屬乘騎馱載官物一差到官屬使臣等並許通理前任月日一隨行輜重人并官屬合破白直等除於都督府差撥外如闕少於所至州軍差撥依條給與口券逐州交替並從之二十三日都督府言合置參議官以下即自差辟未足內詳議官欲改諮議軍事從之二十六日手詔朕以敵人遠遁邊圉少安當乘無事之時預謹不虞之備蒐簡卒乘行視山川比臨遣於相臣往按臨於師壘西連隴蜀南暨江淮既加督護之權悉在指揮之域有或難從於中覆即宜專制於事幾咨爾多



方若時統率欽承朕命咸使聞知二十八日都督府言  
合置參謀官欲乞改作參謀軍事參議官改作參議軍  
事從之閏二月十八日都督府言本府行移文字並依  
三省體式今來簽廳文字比之其它官司事體不輕欲  
乞行移取會文字並依尚書左右司樞密院檢詳房體  
式施行從之二十二日都督行府言都督府總諸路軍  
馬所用錢糧合差官隨軍應辦欲就差淮南東路宣撫  
使司參謀官陳楠兼都督府隨軍轉運判官許辟差幹  
辦公事官兩員並依發運司屬官條例施行從之八月  
四日詔都督府一行官吏軍兵諸色人等昨自行在隨  
從張浚前去江上措置軍事并招捕楊公等子當方咸

暑水陸萬里備見勤勞可特先次各轉一官資內用心  
得力差委幹事有功之人令張浚別行保明當與更加  
超轉六年三月二十六日張浚言諸路州縣出賣戶帖  
錢元降指揮令都督府拘收非奉聖旨指揮不得支使  
竊緣方今軍事之際合用錢數浩瀚兼措置屯田般發  
岳飛糧米等所費益廣若一一奏請處分竊慮待報不  
及却成留滯除已逐急取撥應副使用外欲望許臣候  
支使了畢具寔數奏請除破從之四月十八日張浚又  
言都督府并行府恭被聖訓勸誘懷忠體國富豪之人  
納金入粟以助軍費詢訪得浙西平江府湖秀常州江  
陰軍浙東紹興府衢温州江東建康府廣德軍最係豪

右大姓數多去處行府量度支降官告委守貳隨時勸  
誘上戶請買即不得將下戶例行均敷如或委寔勸誘  
不能敷足數目即具狀中取行府指揮兼行府詳度自  
來民戶物力陞降不常竊慮一槩勸誘却成搔擾又已  
行下守令更切契勘若元係出等上戶即令物力減退  
亦不抑勒料配從之二十九日張浚又言襄陽府係  
屯兵控扼重地將來行府巡按前去措置軍事所有應  
辦邊防及間探斥堠應干軍須并行府置司事務皆合  
前期經畫緣本府收復未久財賦不充理宜措置以助  
支使臣已令江東轉運司於本路已送戶帖錢內支一  
十萬貫并通泰州見應副都督府鹽內各支一千五百

袋並聽劉洪道取撥措置回易所收息錢專一應副上  
件支使外循環充本即不得侵用本錢今來係行府郡  
融贖軍財賦應副自合極力措置以濟國事從之同日  
張浚又言荆襄控扼上流最係重地臣見被旨視師其  
襄陽府將來權留駐司事務理合差官先次經畫伏見  
近已除劉洪道知襄陽府本官識度宏遠諳練邊事可  
以任責欲望差劉洪道兼都督府參謀軍事依舊知襄  
陽府從之六月八日張浚又言行府見今調發大軍移  
屯淮甸邊事至重欲乞於侍從官內選官一員充行府  
參議軍馬詔呂祉除刑部侍郎差都督行府參議軍事  
七月十七日詔曰敕張浚卿肅將天威鋪敦淮浦久離

環衛想見英姿蓋心之精微不可以書論而道之曲折  
必待於指陳當亟命於僕夫其入趨於帷幄勿憚驅馳  
之遠副予夢寐之勞詔書到日卿可暫赴行在所奏事  
故茲詔示想宜知悉十一月二十日詔都督行府江上  
措置邊事一行官吏軍兵諸色人等備見勤勞可令張  
浚等第保明以聞七年二月十一日都督府言本府昨  
裁減使臣發歸樞密院如願減罷即與省罷恩例所有  
行府近減罷使臣事體一同緣內有到府月日不多之  
人即難以一槩並給恩例詔行府并屬官下應減罷使  
臣如到府寔及一年並與依省罷法今後依此三月三  
日都督府言逐路宣撫使司各有本府隨軍轉運使有

湖北京西路宣撫使司未曾差置今欲差本司參謀官薛弼兼督府隨軍轉運副使專一應辦錢糧從之六月八日都督行府言權主管馬軍司公事劉錡見統率軍馬屯駐廬州欲望依例差劉錡兼本府諮議軍事從之九月十一日張浚言已具奏陳解嚴機政所有都督府職事別無以次官交割詔令樞密院交割十四日三省言都督府職事并印已降指揮令樞密院交割詔三省合行事並撥隸三省其錢物令三省樞密院同共椿管二十五年八月十四日詔都督府所置官莊并牛租可日下放免今後不得起理元降指揮更不施行三十一一年十一月十九日詔知樞密院事葉義問差充督視江

淮荆襄軍馬中書舍人虞允文充參謀軍事義問言參

酌前後執政官出使損減條具畫一數內一合用印乞

以樞密行府之印為文其行移並依樞密院體式施行

入諸軍擺鋪傳發所有奏報文字直發入內侍省投

進從之三十二年五月十三日詔葉義問督視結局特

與轉三官

鶴林吳永紹興五年二月丙戌張浚守石僕

往江上措置邊防樞密都承旨折彥質試工部侍郎兼

都督府參謀軍事右都督府王管機宜文字司農寺丞

作佐郎無考詩並兼都督府王管機宜文字司農寺丞

監諒幹解公事丁未張浚辭行詔百官出城錢送四月

浚視師胡憲平八月甲中張浚赴州造岳飛分兵擊楊一

六月視師胡憲平八月甲中張浚赴州造岳飛分兵擊楊一

會諸將領事承傳世忠據承廷以國維揚劉光世七合

汎以招北軍命張浚練兵建康進屯盱眙命揚沂中領  
精兵以爲後翼及其子姪祝麟合甲辰揚沂中寅以  
震數萬過定遠縣欲會麟于合甲辰揚沂中寅以  
衆數萬過定遠縣欲會麟于合甲辰揚沂中寅以  
遇賊縱大軍乘之賜衆大獎仍浚具上都府隨行  
至嘉張浚之功衆大獎仍浚具上都府隨行  
官吏軍兵推賞三十一人十月戊午知樞密院事參謀  
問督視江准軍馬中書人兼直學士並虞允文參謀  
軍樞密院詳錄樞密行府之而議問言今來軍期  
並參議軍事已未錄樞密行府之而議問言今來軍期  
之全籍逐路州縣竭力不應辦如內有避事不職及  
事發擾百姓或老病怯懦不堪職任之人欲許臣先  
選官填替對移其罪狀施行從之紹興三十二年七月九  
具奏取旨重賜資行從之紹興三十二年七月九  
日詔參知政事汪澈湖北北京西路督視軍馬存宗已即  
十二日參知政事汪澈言蒙恩差湖北北京西路督視軍  
馬先具條畫奏請並從之一乞以參知政事行府爲名  
一合用印以參知政事行府之印八字爲文令所屬鑄



造其行移並依三省體式一遇有軍期急切事務難以申請待報欲乞許臣隨宜措置續具奏知一乞差屬官二員主管機宜文字一員提舉一行事一員提轄一行軍兵二員一候到置司州軍遇合行香日分起赴外公路北免赴一今來出使每遇所至州軍具奏平安候入湖北界三日次奏一立功將士合要空名告劄宣帖等書填欲乞依昨樞密行府例將帶已造到一料隨行一逐路軍兵將官等如緩急臨敵能用命率先破敵立功奇特之人乞許臣於所降空名付身內斟量功力一面書填訖續具奏知其有怠惰不職或臨陣退縮亦許臣量度隨宜施行庶幾有以懲勸一應干軍期事務全藉

監司州縣宜協力應辦如有避事不職及貪汙苛擾之人乞許臣量度事體輕重勘劾或一面對移訖續具情犯奏聞其廉勤辦職之人亦許臣保明取旨旌賞除軍期外其餘更有似此之人亦乞依此施行孝宗隆興元年正月庚子張浚以樞密使都督江淮二月二十九日詔戶部郎官馮方充都督府參議官從都督江淮軍馬張浚請也四月二十二日詔差江東漕臣句子恣魚都督府隨軍運副從張浚請也二十四日張浚言乞支降一年歲弊應副使用詔令左藏庫將見椿管歲弊銀二十五萬兩先次降付都督府絹續次支降五月二十七日詔御前忠勇左右中軍並發赴都督府使喚仍令節

五月二十七日詔御前忠勇左右中軍並發赴都督府使喚仍令節次起發六月五日詔參知政事督視湖北京西路軍馬汪澈已除資政殿學士提舉臨安府洞霄宮所有行府一行官吏等限五日結局十四日詔少傅樞密使都督江淮軍馬張浚特降授特進依前樞密使江淮東西路宣撫使七月四日詔江淮都督府官屬並改充江淮東西路宣撫使司八月八日詔可復都督江淮軍馬是日宰執進呈降授特進樞密使張浚先措置江淮軍馬理宜增重事權初浚以符離之役降特進上曰罷樞密使宰臣陳康伯奏曰如此却是罷政上曰可改都督府為宣撫使至是參贊官軍事陳俊卿奏

降官示罰古法制亦其自請改都督府為宣撫使恐人情觀對號令不行上曰此未可也及殿中侍御史周操論官爵者臣一己之私有罪隨即貶削乃分之宜若都督之名實國家用人之權柄豈卿亦行遞減上曰此論甚善可與復都督府康伯等奏已有指揮呂浚之子拭候到日降指揮上曰善翌日又曰不必拭候來故有是詔九月一日江淮都督府奏契勘本府昨來初置淮江宣撫使司辟置官屬後來改為江淮都督府近又改為江淮宣撫使司近降指揮依舊江淮都督府雖建司開府前後名稱不同所有一行官屬只是就辟改差又就改差就改稱呼即非有更替承代之人欲從朝廷下吏

部將一行官屬自初及今應歷過月日並與通理為考  
任從之十月十六日又進呈都督府奏節制江淮軍馬  
其調發進退當從督府取旨施行日近主兵官及帥司  
監司郡守輒以軍期事務徑申朝廷已劄下遵依本府  
指揮如敢違戾當取旨重作施行仍取責當行人軍令  
狀上曰豈有不申朝廷之理可別降指揮行二十三日  
詔王時升權吏部侍郎王之望罷江淮都督府參贊軍  
事依舊權戶部侍郎二十四日宰執進呈江淮軍馬調  
發應援從都督府取旨施行其餘事務並令依舊申奏  
上曰如此甚善以前張浚嘗劄令王主兵官監司郡守  
不得以軍期事務申朝廷故也十一月十二日宰執進

呈孫昭申到都督府降下文榜已於徐州淮陽軍兩界  
首依散見差人過淮齋榜前去南青州等處宰臣陳康  
伯等奏恐是日前所遣今既通和合行禁止上曰不濟  
事徒壞生靈二年正月二十四日詔已降指揮令禮部  
給降度牒一萬道分下兩浙等路出賣充都督府會子  
本錢可先次給降三千道令都督府差官措置二月十  
三日詔朝請郎任蓋言除直秘閣差充都督府參議官  
從張浚之請也三月三日張浚奏本府見措置兩淮修  
築城壁開掘壕塹禁壩櫃水打造舟車修治軍器督運  
錢糧教閱軍馬過防之備正要官屬分委責辦昨申請  
許置準備差使三十員緣係使臣窠閑艱得人才今欲

於內分撥六員改充准備差遣許於見任寄居待闕京  
官選人內踏逐指差其請給等止依准備差使例支破  
有所今來應辦軍事乞不以有無拘礙踏逐指差不許  
辭避從之四月十四日詔淮上諸軍暫行休息已差錢  
端禮王之望宣諭淮東西路其江淮都督府可罷應干  
錢物令錢端禮王之望同淮東西總領所拘收其數聞  
奏應官屬使臣並罷有差遣人令歸元任九月二十一  
日特進尚書左僕射同中書門下平章事兼樞密使湯  
思退特授都督江淮東西建康鎮江府江陰軍江池州  
屯駐軍馬餘如故二十三日太傅寧遠軍節度使楊存  
中可除同都督江淮東西路建康鎮江府江陰軍江池

州屯駐軍馬同日詔右通議大夫守尚書吏部侍郎充  
 淮東宣諭使錢端禮除兵部尚書充江淮都督府參贊  
 軍事二十五日湯思退言契勘昨來知樞密院事葉義  
 問督視軍馬行府有空名官告見在三省樞密院激賞  
 庫收欲乞降付臣將帶前去以備使用兼之有空名官  
 告內即無遙郡橫行告命亦乞下所屬給降武功大夫  
 帶遙郡刺史團練使防禦使告各一十道左右武拱衛  
 親衛大夫告各一十道又言昨樞密知院行府支降金  
 一萬兩銀二十萬兩計價錢約及一百萬貫都督府第  
 次支降已多今來先乞支降五十萬貫乞支金二十兩  
 銀一十萬兩餘數續具奏請及在外措置科撥所有金



帶金橐金盞乞依昨樞密行府數目支降詔令在藏南  
庫支降二十七日湯思退楊存中劄子言臣等蒙恩除  
都督已降指揮以江淮都督府為名臣等同議如同在  
置司去處只合用都督府印其奏狀榜示同行僉書或  
分在兩處亦合以江淮都督府為名合用印通行繫街  
仍于階下聲說行在或出使庶得事權歸一從之二十八日  
湯思退楊存中劄子又奏臣等契勘昨孟庾韓世忠克  
宣撫使副日兩員共差置官屬三十員張浚獨員都督  
差過官屬二十二員使臣監當官在外今來臣等係兩  
員今參酌裁減差置下項參贊軍事元差一員係從官  
朝廷已行除授參謀官乞不差置今乞差參議官主管

機宜文字主管書寫機宜文字各一員幹辦公事四員  
准備差使六員點檢主管書寫文字共差三十人分撥  
一半先次隨逐存中前去從之十月一日詔中書門下  
省檢正諸房文字兼權戶部侍郎王佐充都督府參謀  
官從湯思退之請也十日左朝請郎中書門下省檢正  
諸房文字兼權戶部充江淮都督府參謀官王佐狀奉  
聖旨差充都督府參謀官所有應干事件欲乞並依宣  
諭司參議官魏杞等昨來中請體例并前後已得指揮  
施行從之同日詔拱衛大夫知州防禦使主管台州崇  
道觀董岸充都督府一行事務從楊存中之請也二十  
三日湯思退言臣備位宰相被命督師惟敵人難已議

和而奉仗尚未過界屯邊之兵數十百萬當北霜寒不  
無暴露之歎臣欲擇日同屬官起發至淮上宣布德意  
撫勞師徒從之二十七日湯思退劄子奏臣契勘先請  
降到犒賞金銀五十萬貫已附楊存中先次將帶前去  
乞更支降五十萬貫乞於左藏南庫支降見碇羅本銀  
內支一十二萬兩并見在金內支三千兩從之十一月  
六日詔朕屈已遣使欲安軍民而虜情變詐遽爾稱兵  
所有魏杞等將帶礼物金銀足帛可令都督府拘收及  
於左藏南庫支撥見錢三十萬貫令都督江淮軍馬湯  
湯思退將帶前去並充犒軍支用七日詔王之望可除  
同都督江淮軍馬湯思退依舊帶都督可只在朝差王

之望充督視限兩日起發既而王之望辭免從之是日  
參知政事兼權知樞密院事周葵奏臣竊見虜兵渡淮  
犯濠州及清河口皆是前月二十七八之間今已十日  
雖諸處未有緊急探報緣楊存中已將王琪全軍發往  
揚州今王之望除督視必已受命伏望聖慈速令往江  
上號召兩淮諸將併力捍禦此誠不可一日緩也臨陣  
易將古人所忌何況都督諸處軍馬而移易於陛辭之  
日臣竊憂之願陛下勿更疑慮推誠以待之望使之盡  
力庶幾不悞國事所有之望除督視與楊存中稱謂不  
同恐外望有所輕重欲令之望亦作同都督更在聖裁  
有旨周葵所奏甚當卿宜體國勿復多辭八日參知政

事王之望言蒙恩除臣同都督江淮軍馬臣待罪政府  
疆場有警出董師徒職所當任陛下倚注之重權參將  
相所以用臣亦云至矣臣豈敢有辭但於今日事宜有  
所未允不得不為陛下言之朝廷於兩淮前以大將二  
人為招撫使後以從臣二人為宣諭使非不可以集事  
惟憂其緩急之際不相統攝故以宰相為都督則都督  
之置正欲事權之歸一也宰相未出之間又置同都督  
使先往視師猶有說也及宰相未出之間又置同都督  
督視則於都督之外又添一司今以其稱謂不同改督  
視為同都督名雖同矣而於寔無異且所以用宰相為  
都督者本欲事權歸一今不用宰相而分同都督為二

則與向宣諭何異哉湯思退開府兩月忽一旦改命則思退固自難處楊存中既已一面措置號令諸將調發軍馬而又添一同都督則存中又不敢專是臣之此行外則疑督師之心內則損宰相之體臣但見其害未見其利也存中官為三師臣備員二府而同為都督權勢既敵不能相統議論之際誰敢先發人之所見豈能一一皆同相異則或至紛爭相推則有失機會使諸將帥何所稟承甚非元初置都督之意也臣謂楊存中在殿巖三十年為兩朝宿將陛下擢於閑散使副宰相必有以處之却督置副固以備其長之空乏今長既不行而專任其副乃陛下之素畫何必別置一人以貳其任哉

臣之愚意為今日計就其所置而處之則莫若選材能侍從官二人為存中之佐則名體俱順權任歸一同異可否事無嫌疑庶幾協濟臣非為身謀辭難避事危危所係不敢不盡其愚陛下必欲臣行臣敢不奉命而去但恐他日必悞陛下大事臣雖誅戮不足以謝天下然陛下亦豈得高枕而卧也臣之所陳不為無理惟陛下為宗社熟慮勿以人廢其言天下幸甚安貼黃稱臣前在建康府辭免除參知政事召赴行在恩命乞且以故官終了使事則臣今臣之請非欲安坐朝廷以推避邊事詔其理甚長宜從所請同日湯思退言恭奉聖旨令臣依舊帶都督在朝竊緣臣備數宰相既預軍國之任

今來不去准上不應復領都督職事欲望聖慈特令解  
罷其一行官吏軍兵等日下放散各歸元來去處除臣  
即不曾支破券食供給及借請外其餘官吏軍兵緣起  
發日近並皆借請乞下有司其未經請者並行住支已  
經請者依條二分回尅從之九日詔同都督江淮東西  
路軍馬楊存中可特授都督江淮東西路軍馬十四日  
詔昨湯思退請降到激賞金銀官告等並撥赴楊存中  
充激賞支用今樞密院差使臣二員管押前去十九日  
詔參知政事兼同知樞密院事王之望往江上勞師以  
之望奏臣伏覩皇帝陛下以大軍出戍兩淮暴露寒苦  
臨朝大息宵旰軫懷出內帑之儲普加激犒舉賞功之



典優合勲勞宜遣大臣宣布聖澤今楊存中已真拜都  
督專總兵權臣叨預政機將明是職若陛下不以為不  
肖乞差臣往江上勞師庶幾挾纊之恩足以振起士氣  
故有是命閏十一月一日詔李若川除刑部侍郎依舊  
兼都督府參贊軍事乾道元年二月六日都督江淮軍  
馬楊存中言邊境綏靖臣依奉聖旨赴關奏事所有江  
淮都督府伏望特降睿旨立限結局應諸軍功賞疾速  
保明聞奏